

187
 Ich en sei mannaide gar.
 Ich habe gelogen ode war.
 Swer vbelet dinge gesworn hat.
 Dem wil ich geben mein rat.
 Daz erz dar vmbe niht entv.

Er bruzet baz am sint dann zwo.

**Daz abtode tai sol hie beleiben.
 Nu sil wir daz neunt schreiben.**

St.: Mich riuen sein ist cert.
 Sprich mein veder fiver nun get
 S einen aigen chnechte.
 Rvwe er tvt im vil vnrehte

So han dir ich dast war
 Gedient disen winter gar.
 Daz dv mich nun lieze beleiben.
 Ich en muost tage vnd niht schreiben.
 Dv hast verslizen meinen muot.
 Wan dv mih mere dann zehenstunt.
 Zem tage pblest tempem vnd schneiden.
 Wi mocht ich daz so lange erleiden.

Dv fneidest mich nu groz nu chlain.
 Vnd hast mich gemacher gemain.
 Zeschreiben von herren vnd von chnechte.
 Dv tvst mir grozre vnrehte.
 Do dv plege guter site.
 Do wir ich dir vil gern mitte.
 Do dv mit reitern vnd mit frauwen.
 Phlege buhvrit vnd tanz schauwen.
 Do was ich hart gerne bei dir.
 Wan dv gelavbestv avh mir.
 Do dv woldest zehove sein.
 Vnder den leuten do was mein.